

Kale bizhitsari jarriak

I

Hauxe egun motela...
denbora ez-gauza.
Tabernako barraren
kanpoaldean dautza
erratzak daramala
harlauzaz harlauza
astelehen akitu
zahar baten zerrautsa.



KARLOS CORBELLA

V

Egun anfibio bat
bi jaien gerizan,
promesa eternoa,
biharko peskizan.
Jausi da ostiral bat
asteroko gisan,
zerbait zirudiena
ta ez zena izan.

II

Ez du aste hasieran
jotzen eguzkiak,
astelehen ta astearte
astelehenduz biak.
Herri ilun, kale isil,
espaloï bustiak,
sotoek irentsiak
bizidun guztiak.

III

Sortu asteazkena,
ta noizko adio...!
Bar-man bakartuari
luze dohakio.
Pintxoari mahonesa
tanta bat dario...
goizez jausten hasi ta...
eutsi egin dio.

IV

Ostegun mortuetan
hego-bako hontza,
eskuak patriketan,
zharrean poltsa,
gau hutsari eztula
egiteko lotsa.
Etxe zuloetatik
“teleberri” hotsa.

VI

Azkenik larunbata!!
ta antsia jasa!
Whisky, insalus, rona,
kubata, gin-kasa,
WC ta WC
pasa, pasa, pasal!
Izerdia, musika,
tabako arnasa,
litroak, isuriak,
humanoide masa,
jendetza, uholdea,
kaosa, anabasa.
farra, farranda, besta,
manboa, desfasa,
aluzinantea txo!
topea, demasa!
Kristoren martxa dabil!
Tumatxa gaupasa!

I

Hauxe egun motela...
denbora ez-gauza.
...